

Միգրոզ 1835 . 'ի 5 Նոյեմբերի . Յովհաննէս վարդապետ
միայն դարձաւ յԱթոռն , և յետ ժամանակաց ետ բերել
զոսկերս Եղիայի և թաղեաց 'ի գերեզմանատան Ս . Փրկչի ,
1848 . 'ի 4 Օգոստոսի :

Գ Լ Ո Ւ Խ Ծ Բ .

Առաքումն Արակոս Եպիսկոպոսի 'ի Կոստանդնուպօլիս : Հիմարկու-
թիւն ճեմարանին : Գիր Ամիրայեյ առ Պօղոս Եպիսկոպոս : Պարտք
Փոխանորդին : Խնդիր Աստուոյ : Ակիղէն շինութեան Համբարձման Ե-
կեղեցւոյն : Ընդդիմութիւն Յունաց և Լատինաց : Բացումն դրան Լա-
տինաց 'ի Բեթղէհէմ : Ջանք Հայոց վասն շինուածոց Համբարձման :
Հրովարտակբ Լատինաց :

ԾԱՅՐԱԴՈՅՆ Գործակալ Աթոռոյն Երուսաղէմի Պօղոս
Եպիսկոպոս յետ կատարելոյ զտօն Ս . Պասեքին առաքեաց
ընդ ուխտաւորս տարւոյն 'ի Կոստանդնուպօլիս զՏ . Կի-
րակոս Եպիսկոպոս՝ յաղագս կարեւոր գործոց Աթոռոյն ,
յանձն արարեալ նմա զտուժար արդեանց և ծախուց վա-
նաց , զորս բազում անգամ թախանձանօք խնդրեալ էին
Ամիրայբ , գլինի իսպառ ազատելոյ Աթոռոյն 'ի պարտուց ,
և բարեկարգելոյ զվիճակ միաբանութեան : Եհաս Կիրակոս
'ի Թագաւորեալ քաղաքն , եւ զորս 'ի համբաւոյ լուեալն
էր իսկապէս ետես աչօք իւրովք զսլայծառութիւն եկեղե-
ցեաց , զբարեկարգութիւն դպրոցաց և զխոհական կառա-
վարութիւնս նոցա , զհոգ և զխնամածութիւն հիւանդաց ,
աղքատաց և այլոց , որք շինեալ և հաստատեալ էին ազ-
գասէր ջանիւք և աշխատութեամբ բարենախանձ ազգա-
պետաց , ուրախ եղեւ յոյժ :

Եւ քանզի իշխանաւորք աղգին երկնէին հանապազ 'ի
միտս իւրեանց և փափաքանօք տենջային հաստատել աղ-
գային ուսումնարան մեծ 'ի դաստիարակութիւն մանկըտ-
ւոյն , զի մի յաճախեսցեն առ օտարս , եւ փոխանակ վար-
դապետութեան հայրենի եկեղեցւոյ , ուսանիցեն զգաւա-
նութիւն օտարին և զայլ և այլ սովորութիւնս նոցին , որ
'ի սմին ժամանակի սկսեալ էր տարածանիլ : Եւ յարդիւնս